


建寧府志



臺灣國家圖書館, NATIONAL CENTRAL LIBRARY, TAIWAN. R.O.C.

建寧府志序

古者列國皆有史以記時事事用
不遺而人得有所考秦漢而下廢
列國置郡邑史事總領于朝其於
寰區郡邑事不得詳載此郡志所
由以作然郡守不能皆得人而志
亦修否不齊有志於考閱者恒憮



然而太息焉夫郡志之修其要在於記地理人物人因地而生地因人而顯有勲業忠節文翰皆可以名世惟道學有功于千萬世之遠與天地相爲無窮自開闢以來道學一盛於東魯再盛於南閩蓋孔子集群聖之大成朱子集諸儒之

大成是雖聖賢殊分而其功之大成可以並稱無忝魯曲阜之尼山洙泗閩建寧之武夷建溪皆大成闕里之所在四方志學之士得一寓目於其間則以爲大幸或道遠而不可至則夢寐不忘于懷使得是郡志一閱必將爭先快覲有若

景星慶雲之臨乎目是豈他郡志
所可儼哉魯素以多賢稱建寧爲
閩大郡若宋游定夫胡安國劉屏
山蔡九峯真西山與夫諸賢皆有
功於道學之大其名臣若宋劉氏
五忠與其前後諸公以至

國朝若太師楊文敏公榮皆卓然可
以名世是其地多賢可以匹休于
魯而山川鍾秀亦於是而足徵矣
地靈人傑固所當書若吏治之有
功於民者皆當備書垂憲其貢賦
戶口廟學公署之屬亦當具載使
登耗廢興之有所考此則修志之
凡例也建寧郡志宋郡守韓元吉

張叔椿皆嘗撰成及遭世變已殘
缺遺失不存成化初郡守安成劉
公鉞嘗編纂未成擢官以去近

大明一統志八閩通志雖皆撰及茲
郡但非若一郡專修則事實尤爲
詳備今郡守雲間劉公瓊德政空
民百廢俱舉獨以郡志未專修爲

歎乃禮遣郡人太學生劉澤與文
敏公之曾孫鄉貢進士楊亘詳加
采輯特屬壽寧教諭上虞曾君暹
次第修纂而校正于楊亘之父知
州君仕侗與侍御滕君祐然後凡
例周密紀載詳明而郡志蔚然足
觀此志一出則所以慰四方多士

之快覩者不在茲歟自時厥後凡
吏治生長于茲郡者當觀感奮發
益恪遵道學之教以見諸躬行實
用必將復光汗竹以紹前聞此則
尤公修志垂勸之深意也志成錄
畢公令鋟梓以傳乃走价至南都
請序於予予用僭序以著茲志之

不可不重于世而公之功於斯爲
大云

弘治癸丑冬十一月朔嘉議大夫
南京太常寺卿前翰林侍講

經筵官兼修國史閩莆田陳音序



建寧府志序

弘治六年秋九月建寧府志書成
將梓行焉僉謂此志自宋守韓元
吉脩纂以至於今蓋歷三百年而
始復成書則成之固甚難而其數
亦不偶也以余忝司志事不可無
言竊惟志史屬也史則記言書事

而已志則無所不載其大則山川
之勝也人物之盛也古今沿革之
故也非志則文獻不足雖善無徵
矣矧建寧為郡地居上游北連浙
江西接江右地大物衆

太祖高皇帝疆理天下特設行都司
於建以嚴保障

今上皇帝又特勅憲臣分司於建以
專彈壓則此郡為要衝重地固非
它郡可比而山川形勝則有梨嶺
之高建谿之險武夷九曲之清竒
靈洲之氣鍾而為人則五劉之勲
業三胡之道德淵源所自篤生朱
子遂承斯道之統不惟升閩與瀛

洛關並稱於天下而建谿之水考
亭之地且將與洙泗關里同盛矣
當是時蔡元定父子則見而知之
真文忠公則聞而知之蓋自孔曾
思孟以來千五百年而再見於此
至於名臣碩輔如楊文公章文憲
公之於宋楊文敏公之於我

聖朝表之偉之為一代殊絕人物則

建寧之於天下夫豈可小之哉故
夫縉紳大夫遐想武夷之勝而仰
慕朱子之道思欲一至其地以酬
心賞而訪遺跡有不可得者其或
至焉欲求圖志以窮披閱則無有
也况列邑疆土之廣狹土田之瘠

肥田賦之寡多習俗之美惡民性
之強弱關隘之險易又有官者所
資以施政教而大賢正學先哲流
風尤後生小子之所取法而是書
缺焉豈非一大欠事耶豈非吾作
郡者之責耶於是謀諸貳守山陰
周君宜甫敦禮肅幣延聘儒碩用

圖編輯脩纂則屬之屬邑壽寧學
諭上虞賈君暹校正則屬之鄉大
夫州牧楊君原甫侍御滕君吉甫
至於采輯事類監督刊謄則國學
生劉君澤鄉進士楊君亘寔任其
勞若夫供給板刻之費則出於一
時之區畫而絲髮不取於民間嘗

閱之其立例嚴其名稱當其考核
精其紀載詳而其詞不繁其取其
舍一合乎人心天理之公而無少
私曲焉真可傳也夫舉墜典以脩
廢職余之心也字編句摩秉公協
心使足以信今傳後以成一郡之
全書非諸君子之賢其孰能之於
余何有焉志總目凡十有四小目
五十有七釐為六十卷發凡舉例
多本

大明一統志及八閩通志二書而去
取詳略微有不同開局於壬子之
七月至八月而余以入

覲事輟今年余歸自京師至七月復

開局又兩閱月而成書云是年十月朔日中憲大夫福建建寧府知府上海劉璵序



建寧府志凡例

一建寧府志宋郡守韓元吉張叔椿皆嘗為之韓本既脫落不完張本并其書亡之

國朝成化初知府安成劉鉞亦嘗編纂未及脫稿而以陞去稿亦隨往鄉進士楊亘近過江右得其稿以歸則亦多殘闕失次今天下有

大明一統志近又有八閩通志通志比之一統志固詳而以為郡專志則畧矣今所編者義例多本二書事則兼采舊志至於損益攷正則徵以見聞及諸史家乘云

一各縣以建置先後為次序而甌寧得次於建安以其附郭也

一各縣戶口賦稅前代有載者存之而無考者則闕焉至於

國朝十年一造籍冊承平日久固有登而無耗然歷歲滋多亦難全載今止采洪武十四年與今和治五年二次所造之數載之則登耗大略亦可見矣

一名宦必其人既去官人物必其人既沒世而後收錄考終定名庶無異議也

一名宦以官職崇卑為序而歷任前後參之

一人物志所載例類有與前志少異或昔在道學而今收名臣如胡寅昔在儒林而今收道學如熊禾昔在名臣而今收宦達如陳升之蓋寅之風采見於朝廷者多禾之著述羽翼考亭者多升之則黨附權要非名臣匹故也如此者不一在觀者默會焉

一人物或前志所無而今得載者蓋徵諸文獻斷以公論而增入續收者亦然

一古者列國皆有史所謂晉之乘楚之檮杌魯之

春秋是也古者善人多故紀惡而不紀善禱祀專紀惡春秋兼善惡志亦史類也今則專紀善使不善者有所感發視效而同趨於善其或大節無虧而小疵不免者亦恕待之而不敢求備焉

一節婦已經

旌表固在所錄至於有司始上其事而未報或未見知於有司而貞潔之操播於閭里協於公論者亦收采一二以勵風俗

一奸邪悞國之人悉已削去至於選舉姓名則不盡削焉

一文苑技藝之所載間有止取其藝而不暇議其它者以一事之長不忍棄之也

一 宸翰係前代帝王及我

列聖手勅則載之其 封贈誥勅則不能悉錄云

一古今紀述題詠皆取其有關於山川政教建置沿革之大者則收之各為一卷題詠間有本志相發而簡易易錄者則散見於本志之下

一凡紀述文字先府次縣次學校書院祠廟又次

而倉庫橋梁亭館而不以古今人為序者蓋欲
考其脩創始末為易見也其在寺觀者不錄
一寺觀蠹政害教為甚它志有特立類例以具載
之過矣今則載諸雜誌附之志末以寓崇正抑
邪之微意而仙佛恠誕不經之甚者則削之而
僅存一二於拾遺云

建寧府志凡例終

建寧府志



府志圖十

府總圖一

府治圖一

各縣圖八

府志目錄

卷之一

地理志

沿革

分野

氣候

疆域

城池

形勝

風俗

卷之二

地理志

山川 建安 甌寧

卷之三

地理志

山川 浦城 建陽 松溪

卷之四

地理志

山川 崇安 政和 壽寧

卷之五

地理志

橋梁 建安 詭寧 浦城 建陽

卷之六

地理志

橋梁 松溪 崇安 政和 壽寧

卷之七

地理志

坊鄉 鋪舍

卷之八

地理志

建寧府志目錄

臺灣國家圖書館, NATIONAL CENTRAL LIBRARY, TAIWAN, R.O.C.

關隘 陂塘

卷之九

版籍志

戶口

田賦

卷之十

食貨志

土產

坑冶

造辦

課程

卷之十一

公署志

文署

卷之十二

公署志

武署

分署

卷之十三

名宦志

文職

卷之十四

名宦志

文職

武職

卷之十五

祀典志

壇壝

祠廟

卷之十六

祀典志

祠廟

卷之十七

郵政志

預備倉 惠民藥局

養濟院

義塚

卷之十八

學校志 社學書院附

卷之十九

選舉志

鄉貢

卷之二十

選舉志

進士

卷之二十一

選舉志

進士

卷之二十二

選舉志

歲貢

恩例

薦辟

蔭補

卷之二十三

人物志

道學

卷之二十四

人物志

名臣

卷之二十五

人物志

名臣

卷之二十六

人物志

良吏

卷之二十七

人物志

良吏

卷之二十八

人物志

良吏

卷之二十九

人物志

忠烈 死事附

卷之三十

人物志

風節

卷之三十一

人物志

儒林

卷之三十二

人物志

文苑

卷之三十三

人物志

武功

卷之三十四

人物志

宦達

卷之三十五

人物志

宦達

卷之三十六

人物志

隱逸

卷之三十七

人物志

孝友

卷之三十八

人物志

藝術

寓賢

卷之三十九

人物志

貞節

卷之四十

典籍志

制書

經

史

子

集

雜書

卷之四十一

雜志

宮室

卷之四十二

雜志

古蹟

卷之四十三

雜志

古蹟全墓附

卷之四十四

雜志

寺觀

卷之四十五

雜志

寺觀

卷之四十六

文翰志

文翰

卷之四十七

文翰志

紀述

卷之四十八

文翰志

紀述

卷之四十九

文翰志

紀述

卷之五十

文翰志

紀述

卷之五十一

文翰志

紀述

卷之五十二

文翰志

紀述

卷之五十三

文翰志

紀述

卷之五十四

文翰志

紀述

卷之五十五

文翰志

紀述

卷之五十六

文翰志

紀述

卷之五十七

文翰志

紀述

卷之五十八

文翰志

題詠

卷之五十九

文翰志

題詠

卷之六十

拾遺志

建寧府志目錄終



浦城縣

北抵廣信府永豐

五

東北至衢州府

池里圖

一百八十里

西到建甌



建陽縣


北里圖

北抵崇安縣

東北

西到信府水

縣界一百五十五里



南抵延寧縣

七十里

七十里

後界九十里

西抵崇安縣界三十五里

下平橋水九十里

崇安里

建陽里

三衢里

浴田里

同由里

永平里

仁風里

王相里

東橋里

聚奎里

招賢里

雁山里

忠信里

永豐里

北門

南門

崇安里

崇安里

崇安里

崇安里

崇安里


崇安里

松溪縣

北抵海城

池里圖

界四十四里



廿四里

七

東抵

西到卽武

界四十三里

西抵卽武界四十五里

東南

里三十五

界一百里

界三十五

臺灣國家圖書館 NATIONAL CENTRAL LIBRARY TAIWAN

崇安縣

北抵上饒系

北到

地理圖

界四十五里



臺灣國家圖書館, NATIONAL CENTRAL LIBRARY, TAIWAN, R.O.C.

壽寧縣

北抵慶州府景

十

順泰到北七

界七十里

界二十五里

西到北松溪

地理圖

界三十三里

九



南抵福寧州寧德

里十八

里三十五

田益泉一百里

地 里 圖

寧 縣 界 八 十 里

西 北 到 政 和



寧 府 志 卷 之 一

地 理

夫有土地而後有人民有人民矣食而土田居
 而里巷習而土俗依而山川濟而橋梁衛而城
 郭限而疆域皆不能外乎地也不有所志則建
 寧上下千有餘年之沿革

聖朝億萬世之規模何由而稽乃若分星躔度氣
 候寒暄雪霜風雨之屬雖發於天而實不能不
 因乎地故附見焉

沿 革

建寧府

按禹貢屬揚州南境周職方七閩之地鄭氏註云閩者

南人之別名七者周之所服國數也舊記亦言閩人居閩海有七種故謂之七閩秦

時勾踐裔亡諸氏姓騶據其地自王始皇廢

亡諸以其地為閩中郡後亡諸率閩兵從鄱

君滅秦又佐漢伐楚高帝立為閩越王都於

冶治山名即福州將軍惠帝三年分東甌浙

江温州永嘉縣東甌鄉是其地王閩君搖建元三年東甌復

屬閩粵武帝以閩越阻悍悉徙其民江淮間

遂虛其地久之逃亡者稍出生聚漸繁立為

冶縣屬會稽南部都尉後漢改治為東侯官

建安初分侯官北鄉立建安即今建漢興即

浦城南平即今延三縣三國時吳遣賀齊領

南部都尉置府通志云光武分冶縣為東南

部曰臨海南部曰建安而謂東甌地為此合但

治臨海閩越地為南部治建安正與此合但

以為光武景耀三年吳永安以南部為建安

郡改都尉曰太守改漢興為吳興仍立昭武

析建安地置東安即今同安將樂析建安校

即今邵武府東安南安二縣將樂鄉置今屬

延平東平何地建平五縣通志并載綏安南

何縣未知晉元康元年以屬江州領縣七建安

東平建陽將樂邵武延平江左省延平東平二縣劉宋元

嘉中兼有綏城沙村沙縣一曰二縣邵武將樂陳

永定初屬閩州後屬豐州隋開皇九年郡廢

為縣將樂等縣并省本志云屬泉州大業初

復屬閩州三年屬建安郡折候官縣地置閩

建安龍溪唐武德初屬建州四年移建州治

於建安領縣六建安吳興建陽尋為妖賊武

遇所陷五年刺史謝元治敗之而復其地七

年領縣七邵武八年領縣六省建陽屬泉州

都督府貞觀三年領縣四省綏城入邵武按

省綏城入邵武當云領縣五而云四者疑

沙縣恐此時與綏永徽六年領縣五復置嗣

聖五年領縣六復置建景雲二年屬閩州都

督府天寶元年復改建安郡隸江南東道吳改

興縣為乾元元年復為建州隸福州都督府

上元元年屬福州節度大曆六年隸福州都

團練觀察處置使十二年領縣五割沙縣乾

符五年賊黃巢焚毀州治中和四年州人陳

巖建州邵以破賊功拜福建觀察使袁州人

熊博為刺史寓治建陽巖卒徐歸範據州叛

以應王潮州為王氏所有尋置鎮安軍以王

延政審知子俗謂為節度使封富沙王復改

鎮武立溫嶺松源關隸三鎮五代晉天福八

年王延政僭號國稱殷改元天德南唐保大

五年拔其地為永安軍尋改忠義軍領縣八

升歸化場為歸化縣永安場宋開寶八年南

唐平復以其地為州為松源縣太平興國三

年以屬兩浙西南路通志作二年五年宋史

年邵武及本領縣四割將樂屬南劍升邵武

志皆作四年為軍而割歸化建寧二

縣屬 雍熙二年改屬福建路端拱元年升建

寧軍節度淳化五年領縣五升崇安縣咸平

三年領縣六升閩隸鎮為閩隸治平三年領

縣七析建安建陽浦城熙寧三年領縣六省

寧元祐四年領縣七析建安地之半復置

復與建炎元年州兵葉懷叛明年知州事方

承移寓建陽懷誅始復紹興元年郡民范汝

為據城叛知州事劉子翼移寓崇安明年韓

世忠平之復舊治三十二年以孝宗潛藩陞

建寧府孝宗嘗王景炎元年冬十一月歸于元

至元初以隸杭州十五年元史作二改建寧

路隸福建行中書省置錄事司十七年改建
寧路總管府隸福建道宣慰司至正二十二
年元史作十八年立建寧分省遂隸焉尋據於陳有
定廢分省

國朝洪武元年有定就擒復為建寧府領縣如舊

罷錄事司屬福建布政司景泰六年領縣八

析政和及福州府福寧縣附郭二縣外屬六城
安陽松溪崇安政和壽寧

建安縣

建安本候官北鄉地漢建安初析置以年號屬

會稽南部兼轄今建陽甌寧將樂邵武泰寧

諸縣之地十年析縣之桐鄉置建平縣即今建陽

景耀三年吳永安三年改南部為建安郡又析其

地為將樂昭武即邵武綏安即建寧泰寧二縣三縣與

建安並隸焉唐屬建州南唐屬永安軍尋屬

忠義軍即永安軍更名宋屬建寧治平三年又析縣

之西北境十二里置甌寧縣今所統者東南

隅十三里地爾以後屬建寧府元時屬建寧

路

國朝改路為府仍屬焉

甌寧縣

甌寧本建安縣九里三者并建陽浦城二縣地
宋治平三年析置熙寧三年省元祐四年復
以建安西北十二里爲之蓋分建安之半而
建陽浦城之地不復與焉元因之

國朝仍其舊宋以後所隸與建安同

浦城縣

浦城亦候官北鄉地漢建安中析置漢興以國號名

屬會稽南部吳永安三年改吳興以國號名屬建

安郡隋開皇九年省入建安縣時建安郡廢

諸縣並省唐武德四年復置改唐興亦以國號易名天授

末通志云嗣聖六年改武寧神龍元年復名唐興天

寶元年改載興後唐同光中更名浦城舊志云東

越王築城臨浦因名宋德祐初分置忠安軍元復為浦

城

國朝因之成化十三年調建寧右衛前千戶所守

備於此漢以後所隸與建安同

建陽縣

建陽本建安桐鄉地漢建安十年孫策遣賀齊

討上饒分桐鄉以益其地立建平縣屬會稽

南部晉大元中改為建陽縣屬建安郡

名隋開皇九年省入建安建安郡廢為縣建陽與諸縣並省

唐武德四年復置八年又省入建安垂拱四

年通志云嗣復置五代偽閩以縣之西北地

立溫嶺鎮後溫嶺鎮改為崇安場宋淳化五

年陞為縣始自黃亭分界景定間改嘉禾縣

有嘉禾產於塘石里故名元復今名

國朝因之晉以後所隸與建安同

松溪縣

松溪本吳越處州東平鄉五代時偽閩據為松

源鎮今縣東飯伏里是其地南唐保大九年陞為縣

開寶八年改今名縣南有溪發源自浙江處州府慶元縣松源鄉溪兩

岸有松林故名松溪至道二年析建安之杉溪與唐并

浦城之上元三里益之元仍其舊

國朝因之南唐以後所隸與建安同

崇安縣

崇安本建陽西北地五代時偽閩析置溫嶺鎮

屬建陽縣南唐改崇安場宋淳化五年陞為

縣始自黃亭分界元仍其舊

國朝因之宋以後所隸與建安同

臺灣國家圖書館, NATIONAL CENTRAL LIBRARY, TAIWAN, R.O.C.

政和縣

政和本福州寧德縣地王潮析置關隸鎮宋咸平三年陞為縣而析建安縣之東平高宅莨城感化東衢五里地益之政和五年改名以名號又私號東和以縣在州東元仍其舊

國朝因之

宋以後所隸與建安同

壽寧縣

壽寧本政和之東北里及福安之十一等都地

國朝景泰六年福建按察司僉事沈訥以其地山

谷深阻且大寶坑銀場在焉每為溫處派民

盜採因群聚剽掠遂與巡撫都御史劉廣衡

議設縣治庶盜賊難聚且便徵輸乃

請析置今縣

分野

周禮保章氏掌天文以星土辯九州之地七閩

未有所職然禹貢揚州之域南至于海則七

閩實揚州南境天官書云揚州之域星紀牽

牛婺女之分前漢地理志云粵地牽牛婺女

分野後漢天文志云牽牛主吳越隋地理志

云自南斗三十二度至須女七度為星紀於

辰在丑而吳越得其分野唐志云東南負海
爲星紀又云南斗牽牛星紀也又云南斗在
雲漢下流當淮海間爲吳分牽牛去南河寢
遠自豫章迄會稽南逾嶺徼爲越分宋天文
志云天市垣南第六星曰吳越元曆志斗四
度入吳越分星紀之次

國朝天文分野以福建郡縣並屬斗牛之分

氣候

八閩居東南溫燥之地大抵多熱少寒建寧實
閩上游界連中州而地勢頗高故寒於福州
然寒不至裂膚富者多衣帛貧者槩服單衣
之衣遇隆冬雪霜之際亦不免擁爐入春即
和正旦賀節者或以扇四月衣綵絺至九月
而止六月暑甚道路如炙屋宇之下坐席有
薰蒸氣四體稍舉動即汗流浹背然一雨即
涼氣襲人久雨則寒春多雨夏多驟雨風不
甚號水無鹽鹵雪間有之然着地即融不能
積厚霜多至三日而止俗謂之厭霜山間四
時多霧至午方消春秋冬三時尤其中其氣
者能使人疾病故早行必飲酒四時之交寒

暄不時坐卧衣服一失其宜即感冒為傷寒
軀亦令人發瘧俗云九月有木犀瘴即其時
也浦城又建寧上游逼近中州而地勢愈高
故比之府治寒涼之氣較多壽寧又高於浦
城夏無暑氣崇安諸縣又弗及焉餘氣候同

疆域里至

建寧府東抵福寧州福安縣界三百三十六里
西抵邵武府邵武縣界一百五十五里南抵
延平府南平縣界八十里北抵浙江衢州府
江山縣界三百五十里東西相距四百五十
里南北四百里東南到福州府古田縣界二
百五十里西南到延平府順昌縣界一百一
十五里東北到浙江處州府龍泉縣界二百
二十五里西北到江西廣信府鉛山縣界三
百四十五里到南京二千三百一十里到京
師五千七百五十五里

建安縣

附郭

東抵政和縣界一百里西抵甌寧

縣界一里南抵延平府南平縣界八十里北
抵甌寧縣界一里東西相距一百一里南北
八十一里東南到福州府古田縣界一百五

十里西南到延平府南平縣界七十五里東
北到松溪縣界一百一十里西北到甌寧縣
界一里到南北京與府同

甌寧縣

附郭

東抵建安縣界一里西抵建陽縣

界一百八十里南抵建安縣界一里北抵浦
城縣界一百八十里東西相距一百八十一
里南北一百八十一里東南到建安縣界一
里西南到延平府順昌縣界一百八十里東
北到松溪縣界一百里西北到建陽縣界八
十里到南北京與府同

浦城縣在府城東北二百七十里東抵慶州
龍泉縣牌頭嶺界九十里西抵崇安縣楊源
嶺界八十里南抵甌寧縣塔嶺界九十里北
抵廣信府永豐縣界一百五十里東西相距
一百八十里南北一百四十里東南到松溪縣
翁源嶺界七十里西南到建陽縣西坑嶺界九
十里東北到衢州府江山縣筋竹嶺界九
十里西北到廣信府永豐縣小竿嶺界九十
里到南京二千二十里京師五千二十里
建陽縣在府城北一百二十里東抵甌寧縣

界三十五里西抵邵武縣界一百里南抵甌
寧縣界三十五里北抵崇安縣界四十里東
西相距一百三十五里南北七十五里東南
到甌寧縣界七十里西南到順昌縣界一百
里東北到浦城縣界二百二十里西北到邵
武縣界一百三十里到南京二千一百九十
里京師五千六百三十里

松溪縣在府城東一百六十里東抵慶州慶
元縣界四十五里西抵政和縣界四十五里
南抵政和縣界二十五里北抵浦城縣界四
十五里東西相距九十里南北七十里東南
到政和縣界四十五里西南到建安縣界四
十五里東北到慶元縣界八十里西北到浦
城縣界一百八十里到南京二千四百九十
里京師五千九百三十五里
崇安縣在府城西北二百四十里東抵浦城
縣界七十里西抵江西廣信府鉛山縣界七
十里南抵建陽縣界八十里北抵廣信府上
饒縣界七十里東西相距一百四十里南北
一百五十里東南到建陽縣界八十五里西

南到建陽縣界八十里東北到浦城縣界七
十里西北到廣信府上饒縣界七十五里到
南京二千七十五里京師五千五百一十五
里

政和縣在府城東二百四十里東抵壽寧縣
南溪石門界七十里西抵建安縣界三十五
里南抵福州府古田縣界一百里北抵松溪
縣界三十里東西相距一百五十里南北一
百三十里東南到福寧州寧德縣界三百五
十里東北到處州慶元縣界四十里西南到
建安縣界三十五里西北到松溪縣界二十
五里到南京二千四百五十里京師五千八
百九十五里

壽寧縣在府城東三百五十里東抵福寧州
福安縣界九十里南抵福寧州寧德縣界一
百五十里西抵政和縣界一百里北抵處州
府景寧縣界八十里東西相距一百九十里
南北二百三十里東南到福安縣界八十里
西南到寧德縣界一百里西北到政和縣界
一百里東北到温州泰順縣界七十里到南

京二千八百五十里京師六千二百九十里

城池

建寧府按舊志甌閩本非古郡邑地漢景耀三

年吳以王蕃為建安郡太守始築城於溪南

覆船山下寺今光孝宋元嘉初太守華瑾之遷

於黃華山麓即今府城梁末為長樂侯蕭基所焚

太守謝端立木柵於溪西為治所今城西故

寺陳刺史駱文廣復徙覆船山下唐天寶中

張刺史舊失其名建置樓閣建中元年刺史陸長

源復築城建第舍於黃華山麓延袤九里三

百四十三步高二丈廣一丈二尺為門九處

曰建溪東南曰資化西南曰建安東曰寧遠

西曰水西水西之東曰西津後改萬石西津

之南曰臨江東南隅曰通安北曰朝天天祐

中刺史孟威添築東羅城宋改西門曰平政

後晉天福五年偽閩王延政又增築之廣二

十里宋靖康建炎間郡民范汝為叛城遂廢

紹興十四年復圮於水郡守張銖脩築又重

建寧遠門二十年郡守黃輅重建朝天門淳

熙元年郡守傅自得重建通安門端平二年

郡守姚珪重建建溪資化建安水西萬石臨
江六門元罷守禦城日頽圯至正十二年紅
巾入寇守趙節因舊址脩築周九里三十步
改寧遠門爲高門萬石門爲西門通安門爲
捲秋門建溪門爲南門資化門爲長橋門建
安門爲市門又改爲管門其臨江平政朝天
三門名各仍舊二十年陳友諒入寇叅政阮
德柔擊敗之遂脩築舊城

國朝洪武二年指揮沐英又拓其西南隅爲通濟

在管門西南隅

威武

即今臨江三門

改高門仍爲寧

遠門捲秋門爲政和門長橋門爲通仙門南
門爲廣德門其平政朝天臨江三門名各仍
舊十九年指揮時禹復請增廣之西自威武
門抵朝天門之北包黃華山於城中增闢二
門曰拱北曰朝陽城周二千七十九丈三尺
有奇高一丈九尺城樓二十有四窩鋪七十
有六女牆三千一百三十有八濠東北自黃
華山下至政和門止西北自威武門至拱北
門止長五百三十一丈一尺深一丈五尺闊
五丈五尺正北依山西南濱大溪永樂間以

拱北朝陽二門地僻人鮮由之奏請閉焉

浦城縣漢東越王餘善築城臨浦號浦城後廢至正二十三年守將岳承祖因舊址復築東距越王臺北包皇華山南瀕大溪西塹深濠廣袤七里爲門四二十六年

王師克浦城鎮守張指揮改築之而縮其半洪武二年罷守禦兵城日以廢十二年知縣張宗顏平其址以廣民居正統十四年流賊犯境縣丞何俊築土城爲保障成化六年巡撫都

御史滕昭以浦城爲八閩要衝且左鄰處州永豐時有草竊攘奪坑利或因肆剽掠恐爲地方憂請復築城九年檄按察司副使劉城董其役逾年告成周一千八百丈高一丈九尺闊倍之爲門五東曰金鳳西曰迎遠曰德星南曰南浦北曰拱北各建樓櫓又附小門五以通水利窩鋪二十學士錢溥爲記見文翰志建陽縣古有大潭城依山臨溪城設四門東景陽西景肅南景舒北駐節承平日久城復于隍惟存故址弘治元年知縣張津奉部符

重新築造壘石為基上砌以磚高二丈五寸
周一千一百二十八丈四門仍舊又增置水

安永寧二門以便居民汲路林玘為記

見文
翰志

松溪縣舊無城壤地與慶州慶元毘連無險
可守每為曠賊流劫如入無人之境民甚病

之弘治元年奉部符築造周圍九百三十三
丈高一丈六尺厚一丈東西南北凡四門

政和縣舊無城且無險阻可守縣民屢困於
慶之流賊弘治元年賊突至劫掠庫藏而去
知縣柴曦因築土墻一百餘丈暫為防禦之

計後奉部符築造磚城北遶崇山南臨大溪

高一丈六尺厚一丈周一千二百二十三丈

構樓二百二十間女墻二千六百三十一窩

鋪二十四城門三東曰崇德西曰尚義南通

星溪橋

壽寧縣景泰間割政和福安二縣地新設與

慶之慶元景寧溫之泰順接壤地多坑場群

盜聚散不時弘治三年奉部符築造城垣時

按察副使蕭謙相厥形勢北西圍山南東跨

溪周七百七十丈高一丈六尺厚一丈石址

築土而磚包之爲門三爲水門三工尚未畢
形勝

建寧府舊志云建安郡東接括蒼北距上饒西南引延平東北帶建溪居閩上游爲江浙之要衝福唐之喉襟又云閩中號佳山水建安視閩中尤號竒峻又云南望鐵獅紫芝以次群峯傍聯黃華白鶴之秀爲東南勝地梁江淹云碧水丹山爲郡之盛唐權德輿謂爲東閩劇地宋楊億云建安保界閩越綿地八百盛均云其郡襟山帶水郡守韓元吉云溪行石中曾鞏道山亭記云閩之路陸出者或逆坂如緣組或垂崖如一髮或側徑鈎出於不測之溪上皆石芒峭發擇然後可投步其溪則水皆自高馮下石錯出其間如林立舟沂泐者投便利失毫分輒破溺其水陸之險如此建安甌寧二縣同

浦城縣舊志云地勢高亢其山險峻其水湍急北有梨嶺橫截截窳天際群峯疊嶂迤邐而來大溪環遶自邑治西折而東又云吳山峙其左西巖環其右前值迴隆之秀後倚橫

山之奇唐韋碭詩云雷霆入地建溪險星斗逼人梨嶺高梁縣尹江淹以爲碧水丹山瓊木靈草平生所愛不覺行路之遠

建陽縣居郡上游舊志云西北高而山多峻峭東南下而地頗平夷群峯襟抱二水帶東

睡龍

即狀

驚馬

即勒

東南廻護卧牛

指登山

虎

指橫

左右相持

松溪縣舊志云湛盧峙其南躡獅袞其北七峯左聳虹亭右列中有雙溪逶迤曲折山明水秀古稱有五斗黃金之識學錄王琪記

湛盧截竄石壁縈迴地靈而秀鍾焉

崇安縣襟山東水爲閩南首地舊志云黃石山在其北武夷諸峯在其南東有三台官山西有白花巖尖石水則石曰從東南來石旌從西南來合而環拱於縣至武夷九曲與建溪會合而東注宋蘇軾詩云建溪富奇偉亦名言也

政和縣負山臨水舊志云東抵永嘉南通福唐西走建溪北控龍泉又云群山廻環二水縈繞又云大奇峯聳翠於左望浙峯列嶂於